



*Elisée donne moyen à vne vefue de s'acquitter, vers son creancier, ressuscite l'enfant de son hostesse, & repaist plusieurs fameliques.*

**N**E femme vefue estoit tant pauvre, qu'elle ne pouvoit payer vn creancier qui vouloit estre payé, ou auoir ses deux fils pour le seruir. Doncques en cette extremité elle eut recours au Prophete Elisée, qui la consolant luy dist ; N'as-tu rien en ta maison ? laquelle respondit, Que pour tous biens luy restoit vn petit d'huile. Le Prophete luy dist, Emprunte à tes voisins beaucoup de vaisseaux vuides, & t'enferme avec tes fils, puis verse l'huile : ce qu'elle fist, & emplist de ce peu d'huile tous les vaisseaux, laquelle huile estant vendue, elle paya son creancier, & du reste elle en vesquit avec ses fils. Or aduint qu'Elisée passant par la ville de Sunam, vne femme de grand'estime le retint pour repaistre, & du conseil de son mary, luy prepara vne Chambre pour s'y loger, & pour cet office d'hospitalité, elle qui n'auoit aucuns enfans, par la priere d'Elisée eut vn fils qui peu apres mourut, mais Elisée ayant joint son corps sur le corps de l'enfant, bouche contre bouche, le ressuscita. Depuis Elisée ayant receu les pains des premices, & vingt pains d'orge, les fist departir à vn grand peuple famelique, qui en fut rassasié, & en demeura de reste, ainsi qu'auoit dit le Seigneur par sa parole.